

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman VII Kluba poslanika DF-a u Skupštini Zeničko-dobojskog kantona na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman VII Kluba poslanika DF-a u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman VII upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.
Datum, 22.02.2018.godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,
nauku, kulturu i sport;
1x Stručna služba Vlade;
1x Stručna služba Skupštine;
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Klub poslanika DF-a u Skupštini Zeničko-dobojskog kantona podnio je Amandman VII na Prijedlog Zakona o osnovnoj školi:

Iza člana 40. dodaje se novi član 40a. Prijedloga Zakona o osnovnoj školi, koji glasi:

„Član 40.

(Udžbenici i nastavna sredstva u osnovnoj školi)

(1) Do donošenja Zakona iz stava (2) prethodnog člana Ministarstvo će oformiti Komisije za izbor udžbenika iz svih nastavnih predmeta u svim razredima osnovne škole.

(2) Komisije će razmotriti sve ponuđene udžbenike i sačiniti rang listu istih prema broju bodova, dobijenih na osnovu učešća u rangiranju od strane svih nastavnika koji izvode nastavu u osnovnim školama u Kantona.

(3) Ministarstvo će odobriti za svaki predmet, u svakom razredu, dva najbolje rangirana udžbenika prema broju bodovu, uz obavezu da prvorangirani udžbenik isključivo bude u upotrebi u naredne 4 školske godine, odnosno do donošenja Zakona o udžbenicima u Zeničko-dobojskom kantonu.

(4) Bliže odredbe o sastavu i načinu rada Komisije iz stava (1) ovog člana, kao i sve aktivnosti vezane za učešće svih nastavnika u procesu rangiranja udžbenika za sve predmete, regulisat će se Uputstvom o sastavu i načinu rada Komisija za izbor udžbenika u osnovnim školama, koje donosi Ministarstvo.“

Stoga se predlaže neprihvatanje Amandmana VII jer je pitanje odobravanja i izbora udžbenika i nastavnih sredstava uređeno Odlukom o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole („Službene novine Federacije BiH“, broj 36/11). Uvažavajući propise koji su na snazi, a imajući u vidu da već postoje procedure i sredstva za ovu namjenu, mišljenja smo da se predloženi amandman ne može prihvatiti.